

RESOLUCIÓN POLA QUE SE ACORDA A ADXUDICACIÓN DO EXPEDIENTE DE CONTRATACIÓN NÚMERO 4/11, TRAMITADO POLO PROCEDIMENTO ABERTO, MULTICRITERIO E SUXEITO A REGULACIÓN HARMONIZADA, DO SUBMINISTRO DE ENERXÍA ELÉCTRICA PARA O EDIFICIO CESGA

Con data 10 de novembro de 2011, aprobáronse os pregos de condicións e de prescricións técnicas que rexeron o expediente para a contratación pola Fundación Centro Tecnolóxico de Supercomputación de Galicia (en diante, Fundación CESGA), a través do procedemento aberto, multicriterio e suxeito a regulación harmonizada, do subministro de enerxía eléctrica para o edificio CESGA (expediente de contratación número 04/11).

Con data 10 de novembro de 2011 foi enviado o anuncio de licitación deste expediente ao Diario Oficial da Unión Europea, e publícase no perfil do contratante da páxina web da Fundación CESGA e na plataforma de contratación da Xunta de Galicia.

Rematado o prazo para a presentación de ofertas (o 20 de decembro de 2011, as 14:00 horas), recibíronse no Rexistro interno da Fundación CESGA as seguintes ofertas:

- Unión Fenosa Comercial, S.L.
- Hidrocantábrico Energía S.A.U.
- Endesa Energía, S.A

Con data 9 de xaneiro de 2012 constituíuse a Mesa de Contratación segundo o previsto no prego de condicións xurídicas, procedéndose ao exame e cualificación da documentación xeral dos licitadores contida no sobre A das propostas recibidas, observándose os seguintes defectos ou omisións emendables na documentación presentada:

- Unión Fenosa Comercial, S.L.: non consta declaración expresa sobre a circunstancia de pertencer a un grupo de empresas segundo o punto 8.2.1 dos pregos, apartado 4, usando o modelo que se facilita nos mesmos pregos como Anexo IV.
- Endesa Energía S.A.: non consta declaración expresa sobre a circunstancia de pertencer a un grupo de empresas segundo o punto 8.2.1 dos pregos, apartado 4, usando o modelo que se facilita nos mesmos pregos como Anexo IV.
- Hidrocantábrico Energía S.A.U.: non consta
 - Declaración expresa sobre a circunstancia de pertencer a un grupo de empresas segundo o punto 8.2.1 dos pregos, apartado 4, usando o modelo que se facilita nos mesmos pregos como Anexo IV.
 - Declaración asumindo o compromiso de adscribir á execución do contrato os medios persoais e materiais suficientes para levala a cabo adecuadamente, tal e como aparece no último parágrafo do apartado D da folia de especificacións.

Polo tanto, tendo en conta o prego acórdase por unanimidade da mesa solicitar ás empresas, Unión Fenosa Comercial, S.L., Endesa Energía S.A. e Hidrocantábrico Energía S.A.U. que corrixan, emenden ou aclaren a documentación presentada.

Finalizado o prazo conferido para a emenda de defectos na documentación xeral, a Mesa de Contratación reuniuse con data 13 de xaneiro, constatando que todos os licitadores requiridos cumprimentaron o trámite e aportaron documentación suficiente e adecuada para emendar os erros ou omisións comunicados. A continuación, procedeuse a determinar os licitadores que se axustan aos criterios de selección, acordándose a admisión ao procedemento de licitación ás seguintes empresas:

- Unión Fenosa Comercial, S.L.
- Hidrocantábrico Energía S.A.U.
- Endesa Energía, S.A

Con data 19 de xaneiro de 2012, previa convocatoria enviada por correo electrónico aos licitadores admitidos ao procedemento de adxudicación con data 13 de xaneiro, as 12:30 horas, na sede da Fundación CESGA celebrouse o acto público de apertura do sobre B (Documentación relativa aos criterios non avaliados de forma automática), ao que asistiron os seguintes licitadores:

Nome do licitador	Nome do representante
Unión Fenosa Comercial, S.L.	Daniel González
Hidrocantábrico Energía S.A.U.	Andrés Fernández Fernández

No acto público procedeuse á apertura das propostas cualitativas presentadas polos licitadores admitidos, dando conta aos asistentes da relación de documentos que cada un dos sobres "B" contén no seu interior. Ningún dos asistentes ao acto público fixo observación algunha.

A Mesa de Contratación procedeu á valoración das mesmas conforme aos criterios cualitativos establecidos nos pregos de licitación. A continuación se sinalan, de forma sucinta, as conclusións e razoamentos que se tiveron en conta para a valoración de ofertas e a súa ponderación:

- Auditorías enerxéticas: ningún licitador inclúe de forma gratuíta a opción de auditoría enerxética
- Información sobre a curva de consumo: Hidrocantábrico Energía S.A.U. e Unión Fenosa Comercial S.L. inclúen acceso a rexistro de consumo e curva de carga por tanto acordase darlles a puntuación máxima neste apartado. Endesa Energía S.A. non ofrece este servizo.

Polo tanto a puntuación outorgada a cada unha das proposicións presentadas é a seguinte:

CRITERIO NON AUTOMÁTICO	Hidrocantábrico Energía, S.A.U.	Unión Fenosa Comercial, S.L.	Endesa Energía, S.A.
Auditoría Enerxética:	0	0	0
Información sobre a curva de consumo	1	1	0
TOTAL	1	1	0

Con data 30 de xaneiro de 2012, previa convocatoria enviada por correo electrónico aos licitadores o día 24 do mesmo mes, as 11:00 horas, na sede da Fundación CESGA celebrouse o acto público de apertura do sobre C (Documentación relativa aos criterios avaliados de forma automática), ao que asistiron os seguintes licitadores:

Nome do licitador	Nome do representante
Unión Fenosa Comercial, S.L.	Daniel González
Hidrocantábrico Energía S.A.U.	Andrés Fernández Fernández

No acto público procedeu-se en primeiro lugar a dar conta das puntuacións outorgadas ás propostas cualitativas (puntuación recollida no cadro resumo antes exposto). A continuación procedeu-se á apertura das propostas cuantitativas presentadas. O resultado de aplicar as fórmulas indicadas no prego de condicións ás propostas cuantitativas (ofertas económicas) dos licitadores, é o seguinte:

	Unión Fenosa Comercial, S.L.	Hidrocantábrico Energía, S.A.U.	Endesa Energía, S.A.
Oi	469.318,38	457.664,11	493.704,80
Omin	457.664,11	457.664,11	457.664,11
Vmax	98	98	98
Vi (Puntuación)	95,57	98,00	90,85

Ningún dos asistentes ao acto público fixo observación algunha, dándose por concluído o mesmo.

Ningunha das ofertas incorre en baixa anormal ou desproporcionada, nin precisa aclaración, por conseguinte, o resultado obtido é o seguinte:

	Hidrocantábrico Energía, S.A.U.	Unión Fenosa Comercial, S.L.	Endesa Energía, S.A.
Criterios cualitativos	1	1	0
Criterios cuantitativos	98	95,57	90,85
TOTAL	99	96,57	90,85

Con data 31 de xaneiro de 2012, a Mesa de Contratación, á vista das puntuacións obtidas polas propostas dos licitadores admitidos e que se reflicten no cadro resumo anterior, emitiu proposta de adjudicación do contrato a favor da empresa Hidrocantábrico Energía S.A.U., por considerar que a súa oferta é a máis vantaxosa para cubrir as necesidades de contratación da Fundación CESGA.

Á vista da proposta de adjudicación da Mesa de Contratación, das actas das súas actuacións, e das propostas dos licitadores, e de conformidade coas facultadas que me confiren os Estatutos da Fundación CESGA,

ACORDO:

Primeiro.- Adxudicar o contrato para o subministro de enerxía eléctrica para o edificio CESGA, á empresa Hidrocantábrico Energía, S.A.U. titular do NIF A33543547, polo importe de catro centos cincuenta e sete mil seiscentos sesenta e catro euros con once céntimos (457.664,11 €), máis oitenta e dous mil trescentos setenta e nove euros con cincuenta e catro céntimos (82.379,54 €) que corresponden ao imposto sobre o valor engadido, o que supón un total de cinco centos corenta mil corenta e tres euros con sesenta e cinco céntimos (540.043,65 €), con cargo ás partidas 628 e 631 da Fundación para o ano 2012.

Segundo.- Comunicar aos licitadores a adxudicación do contrato e simultaneamente publicar a ditada adxudicación no perfil do contratante da páxina web da Fundación CESGA.

Terceiro.- A formalización do contrato non poderá efectuarse antes de que transcorran quince (15) días hábiles dende que se remita a notificación de adxudicación aos licitadores candidatos.

Farase requirimento ao adxudicatario para que formalice o contrato en prazo non superior a cinco (5) días a contar dende o seguinte a aquel no que reciba o requirimento, unha vez transcorrido o prazo previsto sen que se interpoña recurso especial en materia de contratación que leve aparellada a suspensión da formalización do contrato.

Fronte á presente resolución poderá interpoñerse, perante ao órgano de contratación e no prazo de quince (15) días hábiles contados a partir do día seguinte á notificación da presente resolución, o recurso especial en materia de contratación regulado nos artigos 310 e seguintes da Lei 30/2007, de 30 de outubro, de Contratos do Sector Público. Así mesmo, poderá interpoñerse recurso contencioso-administrativo no prazo de dous (2) meses contados a partir do día seguinte á notificación desta resolución, de acordo co establecido na Lei 29/1998, de 13 de xullo, reguladora da Xurisdición Contencioso Administrativa.

En Santiago de Compostela, a 16 de febreiro de 2012,



**O Director-Xerente da Fundación
Centro Tecnológico de Supercomputación de Galicia – CESGA-
Asdo.: D. Javier García Tobío**